

長洲顧嗣立字俠君。豪於飲。所至立酒人社。止酒詩所云。壁壘樹麾幢。先登期第一者。是已。家有古酒器三。做劉景升所名三雅。大者受十三觔。而贏餘各遞殺以兩。俠君與社中人飲。率先盡三雅。後乃奪彩爭籌。飲無算爵。爰下令署門曰。凡酒客過門。延入與三雅詰朝相見。決雌雄。匪是者毋相混。見者皆屏息。惜伏以去。亦有發憤為雄。思得一當。而大敵當前。飲不能一二雅。醉矣。蓋終其身無與抗者。故一時有酒帝之目。而社中方觀文最少。號酒皇后。而莊書田繆湘正以次稱南相北相云。

陳宮捉放詩

河南知府文恭仲。庚子歲。辦皇差。侵蝕銀三萬兩。以一萬五千報効。李蓮英以一萬五千由某票壯。匯回原籍。近因開封出缺。未曾調補。大肆咆哮。以頭觸壁。幾乎暈絕。遂患風狂。或傳其前有咏陳宮捉放詩一首曰。

伯奢本來是好意。一旦全家遭慘禍。可恨該縣陳前令。為何賣放曹孟德。當年開封若是我。定將該令記大過。

陳景華之霸才

陳景華性嗜殺。平日嘗言曰。革車千乘。無道行之。猶不失為霸者。氣則其胸次。

可知矣。未第時讀書廣福寺。與某生友善。戊子登鄉薦。後曾為一船妓脫籍。故某生賦詩送其北上曰

桃花撩亂柳花香。彈指春風到帝鄉。寄語長安新進士。紅箋休再刺平康。昨宵桃葉卸歸裝。忍聽驪駒唱路旁。怪底好春留不住。征帆明日又獅洋。元微之拂面花。除却香山不許知也。

洋鬼子入詩

易笏山方伯佩紳。性嚴正。與湖南周鐵真相埒。詩集中有（忽見江心起黑烟。西洋鬼子火輪船之句。見者無不噴飯。

紅黑章京詩

都中舊有紅章京。黑章京口號。紅章京口號曰。

流水是車龍。是馬主人如虎僕。如狐昂然直到軍機處。笑問中堂到也無。其氣燄可想。而知黑章京一首。僅易數字耳。純是寒酸之氣矣。曰。

箴箋作車驢。作馬主人如鼠僕。如猪悄然溜到軍機處。低問中堂到也無。

預賀從良詩

海上名妓菊雲者。為某君賞識。欲納為蓮室。已有成議。諸友假其妝閣設席預